

Դա կոչվում էր շրնքրեկանաց¹²։ Զոքանչն այնուհետև դառնում էր փեսացուի մշտական հովանավորողը և ծածուկ ընդունում էր նրան տանը, երբ ամուսինը տանից բացակա էր լինում կամ քնած, երբեմն էլ քնած ձեանում։ Պատահում էր, որ զոքանչը թույլ էր տալիս տղային իրենց մոտ քնելու, նույնիսկ պառկեցնում էր տղային աղջկա հետ մեկ անկողնում։ Նրանք պետք է պառկեին որպես քնոր ու ախպեր¹³։ Տղային և աղջկան պսակադրությունից առաջ միատեղ պառկեցնելու թույլտվությունն առիթ էր ունեցել զրանցելու նաև հարեան Մեղրու շրջանում և Ագուլիսին մոտիկ Փառակա գյուղում։

Նշանադրությունից հետո երկու ընտանիքների միջև սկսվում էին խնամիական, մտերմական հարաբերություններ, այսինքն՝ երկու կողմերն իրենց վրա էին վերցնում իրար վերաբերմամբ խնամք, հոգատարություն ունենալու, իրար օգնելու և պաշտպանելու պարտականությունները¹⁴։ Այդ է պատճառը, որ ասկական և խնամի¹⁵ բառերն ունին բառական նշանակություն և առօրյա գործածության մեջ իրար հետ շփոթվում են։

Տոների առիթով տղայի տնից ուղարկվում էին նվերներ՝ խօնշամեր¹⁶ նավասարդին՝ լնւս — մի սինիի, մէժմանի վրա մի գավ գինի, մի շիշ օղի, միրգ, անպատճառ խնձոր կամ նուր՝ մեջը վառած մոմ ցցած, մի շաւղաք և այլն։ Մէժմանիի շուրջը կայցրած էին լինում վառված ոսկեպատ մոմեր։ Ավելի պարզ նվերներ տարվում էին Քի՛րգիւնդանին¹⁷ Բարեկեղանին, Մեծ պասի առաջին օրը, Միջինին, իսկ Զատիին՝ կարմիր ձու և յուղով հաց, նույնպես մի գառ՝ ճակատը ներկած և վզին թաշկինակ կամ շաւղաք կապած։ Այդ գառը, ինչպես և Զատիի օրն եկեղեցում մորթվող մատաղ եղբ, կոչվում էր ախառ, ախառնը¹⁸։ Վարդէվօրին՝ Վօւրդնիւմօրին¹⁹ տղան և աղջիկը միասին գնում էին խաշ։ Գարնան զբոսանքներին տղայի տան աղջիկներն ու երիտասարդ հարսները հարսնացուին տանում էին իրենց հետ զբոսնելու։

Խօնշամերին հարսի տեղը պատասխանում էր ուղարկելով տղային դառն շի պերանկալի կամ պօնի՝ ուլունքներից պատրաստած զարդարուն խցան՝ ձէվ, կնիւլպա, խալաք և այլն։

Տղայի տանեցիք և մոտիկ ազգականներն արդեն կոչվում էին աղջկա կողմից պրաւօնանք, այսինքն պաւրօնի՝ կեսրայրի աղգ։ Երբ տղայի աղգից մեկը աղբյուրի մոտ էր գալիս, նշանած աղջիկը վազում էր նրա կուժը ձեռքից վերցնում, լցնում և օգնում ուսին դնելու։

Երբ աղջկա տանը լինում էր հյուրասիրություն, փեսացուն ներկա չէր լինում հրավերին և առհասարակ աներոջ աչքից թաքնվում էր կամ տեսնելիս հեռանում։ Զոքանչն էր, որ հարմարեցնում էր, իբր թե ամուսնուց ծածուկ, տղայի այցելությունները։ Այս էլ, պետք է նկատվի իբրև մայրիշխանության ժամանակներից մնացորդ։

¹² «Շրնքրի՛ր տէղա»՝ «շան պես տեղը ընկած մնա»։ Այդպիսի հացերից մեկի մեջ պատահում էր, որ զոքանչը ծածուկ ձգում էր մի երկու կաթիլ աղջկա մեղից, որ տղան ավելի սիրով և ավելի անխզելի մնա նրա հետ։

¹³ Արծվանիկ գյուղի պատավ կանանց վկայությամբ։

¹⁴ Հմմտ. Անադյան Հ., Հայերէն արմատ. բառարան, հ. II, էջ 525։

¹⁵ Մեղրու բարբառով՝ խնամի։

¹⁶ Խօնշա կոչվում է ոչ թե մատուցարանը, այլ նրա վրա դրած միրգը և այլ ուտելիքը, մի մէժմանի վրա սիրուն տեղավորված, մեջտեղում մեծ մասամբ մի մոմ վառած։ Կապանում՝ մանձմանի։

¹⁷, ¹⁸, ¹⁹ Մեղրի։